

Morning Regional Dogri News Bulletin, 10th November 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

एह आकाशवाणी जम्मू ऐ, बड्डलै खबरें च तुंदा सुआगत, पैहले खास-खास खबरें कन्नै में श्रुति खजूरिया।

Headlines

1. मुखमंत्री उमर अब्दुल्ला होरें आखेआ ऐ जे सरकार कोला लोकें दिएं बध्दिएं आसें मेदे गी ध्यानै च रखदे होई असेंगी लोकें तगर पुज्जियै उंदिएं दिक्कतें गी दूर करने आला रौह अपनाणा होग।
2. सेना प्रमुख जनरल उपेन्द्र द्विवेदी होरें कठुआ जिले दा दौरा लाइयै उत्थें मजूदा सुरक्षा हालात दी समीक्षा कीती।
3. सोपोर जिले च सुरक्षा बलें इक आतंकवादी गी मारी मकाया, तुपाई अभियान जारी।
4. खेड्ड मंत्री सतीश शर्मा होरें आखेआ ऐ जे सरकार खेड्ड ढांचे गी निगगर बनाने ते एहदे च विस्तार लेई दृढ संकल्प ऐ।

CM-Development

मुखमंत्री उमर अब्दुल्ला होरें लोकें दिएं चिंताएं, दिक्कतें परेशानिएं गी ढट्ट दूर करने लेई अधिकारिएं गी अगगे होइयै कम्म करने दी जरूरतै पर जोर पाया ऐ। उनें आखेआ जे आम जनता कन्नै हाल मेलजोल ते संपर्क बधना लोड्चदा ऐ। उनें आखेआ जे चुनाएं दे बाद लपोकें दियां आसां-तांहगा बधिया न ते हुन मते मते लोक सरकारी दफतरे च औंदे रौहगन। इस करियै असें गी अपनी सोच बदलनी होग, अपना रौह बदलना होग ते कम्म करने दा तरीका बी तां जे लोकें तगर पुज्जियै उंदिएं दिक्कतें शकैतें ते समस्याएं गी उंदे घरै कश गै दूर कीता जाई सकै। एह गल्ल मुखमंत्री होरें कल मिनी सचिवालय गांदरबल च इक जायजा बैठक दी अध्यक्षता करदे होई आक्खी। बैठका च उनें जिले च चलै;रदिएं बक्ख-बक्ख स्करमें, परियोजनाएं ते विकास गतिविधिएं दी स्थिति ते कम्मै दी रफ्तार ते प्रगति दा जायजा लैता। गांदरबल विधानसभा हल्के दा प्रतिनिधि होने दे नाते मुखमंत्री होरें लोकें गी जकीन दोआया जे ओह जिले दे पूरे पराते विकास लेई पूरी चाल्ली समर्पत न ते इस जिले दा नुमायंदा होने दे कारण एहदे प्रति उंदी जिम्मेदारी होर बधी जंदी ऐ। उनें जैड-मोड़ टन्नल आली सुरंग दे खुल्लने दे बाद सोनामर्ग च सैलसफा दी समर्था बधने गी उजागर करदे होई उनें सैलसफा मैहकमे गी निर्देश दित्ता जे ओ इस थाहरै लेई इक स्कीम दी योजना बनान।

J&K Army Chief

सेना प्रमुख जनरल उपेन्द्र द्विवेदी होरें कल कदुआ जिले च मजूदा सुरक्षा स्थिति दी समीक्षा कीती। आकाशवाणी दे जम्मू संवाददाता नै खबर दिक्ती ऐ जे पंजाब ते हिमाचल प्रदेश दी सरहद कन्नै लगदे कदुआ च सेना प्रमुख हुंदा एह दौरा जम्मू क्षेत्र च आतंकवाद विरोधी अभियान दरान लग्गारदा ऐ। जनरल द्विवेदी होरें कदुआ च तैनात राइजिंग स्टार कोर दिएं अगेत्रिएं सुनिटें दा बी दौरा लाया जित्थें उनेंगी मजूदा सुरक्षा स्थिति दे बारे च अवगत कराया गेआं उनें उत्थें तैनात बलें कन्नै गल्लबात करियै उंदी निष्ठा, दलेरी ते पेशेवराना सलाहियत लेई सराहना बी कीती।

Encounter

बारामुला जिले दे सोपोर कस्बे च कल सुरक्षा बलें ते आतंकवादिएं बश्कार भखे दे टाकरे च इक आतंकवादी मारेआ गेआ जिल्ले के 2—3 आतंकवादिएं दे अजें गी उत्थें छप्पे दे होने दी शेंका ऐ। अधिकारिएं दस्सेआ ऐ जे कल संजा सोपोर दे रामपोरा इलाके च सुरक्षा बलें ते आतंकवादिएं बश्कार बड़ी मती गोलीबारी होई। इलाके च आतंकवादिएं दी मजूदगी बारे सूह थोने परैंत सेना, सीआरपीएफ ते पुलस बलें इक सांझा तपाशी अभियान चलाया हा जिस दरान टाकरा रंभ होआ।

Pakistan

पाकिस्तान दे बलोचिस्तान च इक रेलवे स्टेशन पर कल होए दे बम्ब धमाके च घट्टोघट्ट 25 लोकें दी मौत होई गई ते तकरीबन 50 लोक जख्मी होए न। एह धमाका उसलै होआ जिसलै इक रेल क्वेटा स्टेशन थमां पेशावर लेई रवाना होने आली ही। बक्खवादी समूह बलोचिस्तान लिबरेशन आर्मी बीएसए नै इस आतमधाती हमले दी जिम्मेदारी लैती ऐ। बीएसए नै आखेआ जे ओहदा लक्ष्य पाकिस्तान फौज दी इक यूनिट गी नशाना बनाना हा, जेहड़ी सिखलाई हासल करने परैंत क्वेआ थमां परतोआरदी ही पुलस दा गलाना ऐ जे मरने आलें च 14 फौजी बी शामिल न।

Kartarpur

भारत पाकिस्तान बश्कार बने दे करतारपुर साहब लांघे गी अज्ज 5एं बरें मुकम्मल होई गे न। एह लांघा पाकिस्तान दे नारोगव जिले दे श्री करतारपुर साहब गुरुद्वारे तगर जंदा ऐ जित्थें पैहले सिक्ख गुरु गुरु नानक देव जी होरें 18 बरे बताए हे। इस गलियारे दा उद्घाटन प्रधानमंत्री नरेन्द्र मोदीहोरें श्री गुरु नानक देव जी हुंदे 550में प्रकाश पर्व पर 9 नवम्बर गी गुरदास पुर दे डेरा बाबा नानक च कीता हा। पिछले 5एं बरें च लक्खां बद्धे श्रद्धालुएं इस गुरुद्वारे दे दर्शन कीते न। भारतीय भूमि पत्तन प्राप्तीकरण दे दे सूत्रें आकाशवाणी गी दस्सेआ जे पिछले 5एं बरें च 3 लक्ख 42 जहार श्रद्धालुएं दर्शन कीते।

Horticulture(byte)

बागवानी मैहकमे दा मुख्य मकसद करसानें गी सशक्त बनाना, उनेंगी नमीं तकनीकें बारे जानकारी देना, हुनर विकसित करना ऐ तां जे ओह बअपनी पैदावार दा मता झाड़ ते भाह लेई सकन। केन्द्र प्रोजाजित स्कीम ते राई—बाई सरबंधी तकनालोजी दे प्रबंधन आली अजेंसी नै इक जतन तैहत 25 नेह करसानें गी डोडा जिले दी

भद्रवाह थाहर भेजेआ गेआ। इस जतन दा मकसद करसानें गी सशक्त बनाना ते हुनर सरबंधी सिखलाई देना ऐ।

LG-Veda

उपराज्यपाल मनोज सिन्हा होरें आखेआ ऐ जे साढ़े वेद समूलची मनुक्खता लेई वैज्ञानिक ज्ञान दा नैहला ते सबूरा सरिस्ता न जेहड़े लम्मे समें थमां सिकखने दी परम्परा गी प्रेरत करदे आए न। कल केन्द्री संस्कृत यूनिवर्सिटी कोट भलवाल च आयोजितवैदिक सम्मेलन च मुख भाषण दिंदे होई उपराज्यपाल होरें आखेआ जे भारत ज्हारें ब'रें थमां ज्ञान, विज्ञान ते अध्याय दा केन्द्र रेहा ऐ। उनें आखेआ जे जदू वेदें गी सिखेआ गेआ हा तदू वैश्विक अर्थबवस्था, शिक्षा, संस्कृति ते दर्शन दा प्रमुख केन्द्र हा। सभ्यता गी रफतार देने आला इंजन होने दे कन्नो कन्नी भारत नै गै विज्ञान दे राएं समाजी आर्थिक विकास, चिकितसा, औषधि, गणित ते खगोल शास्त्र दी बुनियाद बी रखी। इसै कले आले सम्मेलन दा विषय सार बी हा “वेदों मे विज्ञान”। मुल्ले आदर्श गी बढ़ावा देने दे सरकार दे धेइयै गी फही पक्का करदे होई उपराज्यपाल होरें आखेआ जे प्रधानमंत्री नरेन्द्र मोदी होरें भारत दे लोकें च आत्म सम्मान दी अलख जगाई ऐ ते अज्ज देसै दी 140 करोड़ दी अबादी गी इस गल्लै दा मान ऐ जे साढ़े वेद पुरान सदिएं थमां वैश्विक ज्ञान दा आधार रेह न।

Paddy

केन्द्र सरकार नै अज्ज आखेआ जे पंजाब दिएं मंडिएं च 120 लक्ख मीट्रिक टन शा बद्ध मुंजी पुज्जी चुकी दी ऐ। एह्दे राएं पंजाब दे 6 लक्ख 58 जहार करसानें गी फायदा होआ ऐ। उपभोक्ता मामले खाद्य ते सार्वजनिक बंड बिक्री मंत्रालय नै दस्सेआ ते ग्रेड-ए मुंजी गी 2320 फही क्विंटल दे घट्टोघट्ट समर्थन मुल पर खरीदेआ जा करदा ऐ। केन्द्र सरकार नै चालू बजारी रूत दरान 185 लक्ख मीट्रिक टन मुंजी दी खरीद दा लक्ष्य तैह कीते दा ऐ। पंजाब सरकार नै 4 जहार 743 मिलें गी मुंजी थमां चौल कड्डने दा कम्म बंडेआ ऐ।

Minister Satish

युवा सेवाएं ते खेड्डें सरबंधी मंत्री सतीश शर्मा ते खानयारथमां विधायक अली मोहत्तद सागर होरें कल जजनार ग्राउंड ब्रेन-निशात दा दौरा कीता ते इलाके दिएं खेड्डें सरबंधी ढांचागत जरूरतें दा जायजा लैता। मंत्री होरें गी दस्सेआ गेआ जे उत्थें खेड्ड मैदान गी पददरा करने, पैविलियन बनाने, वाशरूम बनाने ते चार दोआरी करने दी लोड़ ऐ। इस मौके अपने संबोधनै च सतीशा शर्मा होरें आखेआ जे उमर अब्दुलला हुंदी अगुवाई आली सरकार समूलचे जम्मू कश्मीर च खेड्ड ढांचे दा दर्जा बधाइयै इसी व्यापक ते निगगर बनाने लेई दृढ़ संकल्प ऐ तां जे बक्ख-बक्ख खेड्डें दे खडारिएं गी अगड़े बधने दा मौका थोइ सकै। उनें आखेआ जे खेड्डें च नोजवानें गी नशाखोरी ते होरने बुरी आदतें कोला दूर करने दी क्षमता ऐ ते कन्नै जीवन च सकारात्मक सोच कन्नै अगड़े बधने लेई स्टेई दिशा देने च बी खेड्डां महत्वपूर्ण रोल अदा करदियां न।

Volleyball

उधमपुर दी जिला वॉलीबाल एसोसिएशन नै इक नमां वॉलीबाल कोर्ट ते पानी सरबंधी सुविधा मिनी स्टेडियम च उपलब्ध करोआई ऐ। इंदा उद्घाटन उधमपुर दियां डिप्टी कमीशनर सलोनी राय होरें कीता। इस मौके पर जिला वॉलीबाल एसोसिएशन दे मिंबर बी मजूद हे। जिला वॉलीबाल एसोसिएशन नै डिप्टी कमीशनर हुंदा लोड़चदी मंजूरिं लेई आभार जताया। इस जतन दा मकसद मजूदा सुविधाएं च बाद्धा करना, खडारिं गी सहूलत प्रदान करना ऐ। एसोसिएशन दा गलाना हा जे नेइएं सुविधाएं कन्नै खडारिं गी बेहतर सिखलाई सरबंधी माहौल ते सहूलत होग ते उंदे हुनर च निखार होग।

<><><><><><>